

Debiti Observantiam

&

Observantiæ Debitum

*Magnifico, Nobilissimo, Amplissimo ac Consultissimo*

D O M I N O

**DN. JOHANNI  
GODOFREDO  
ROESNERO.**

*Præ-Consuli, Vice-Præsidi ac Proto-Scholarchæ  
in Civit. Reg. Thorun. gravissimo,*


Optatissimum Nominalem Diem

Anni M. DCCXII. d. 24. Jun.

Gratulantes,

*Observanter debuerunt, voluerunt  
contestari*

Curia<sup>æ</sup> Supremæ & Primæ Gymn. Thor.  
Auditores.



T H O R V N I I,

Impressit JOHANNES NICOLAI, NOBIL. SENAT. ET GYMN. Typographus.



*I*te procul curæ, fugiant mœstissima  
quæque  
Ex animis nostris, & pectore mole ma-  
lorum,

*Q*uæ creat armipotens Mavors, ingen-  
te gravato,

Linqvite communem luctum, gemitusque nefandos  
Pierides nostræ, lætis accingite vosmet  
Plausibus, & totum repleant jam júbila Pindum.

Nam redit ille dies, quo non felicior alter,

Aut quo vix aliquis toto præstantior anno,

Nominis optatam quo Vir celeberrimus, atque

Maximus Aoniæ gentis, nostrumque Patronus

ROESNERUS lucem celebrat, summoque JEHOVÆ

Salvus & incolumis meritarum encomia laudum

Pfallit. Idem nobis nostra observantia mandat,

Id poscit pietas, id svadent publica vota,

Qualia quisque suo civis sub pectore volvit,

Latantique animo testantia júbila fundit,

Proque salute Ejus votis orare SUPREMUM

Assiduis nunquam cessat, non immemor horum,

Quæ TUA promerita est, VIR CONSULTISSIME, Vir-  
tus.

Non loquimur nos hic laudum præconia clara,

Quæ TIBI congeffit labor & vigilantia solers

Atque TUAE summæ doctrinæ lauta supellex.

Non

*Non loquimur jam, quanta TUAM Prudentiamen-*  
*tem*

*Nobilitet, crebro longinque temporis usu*  
*Parta, docens recte presentia jungere primis,*  
*Prospicere ac animo quondam ventura subacto:*  
*Quam Tu Consilio valeas, quo plura geruntur*  
*Rebus in humanis, quam vi gladiisque cruentis,*  
*Quo Patriam nostram valide fulcire labantem*  
*Una cum reliquis PATRIBUS noctesque diesque*  
*Es promptus: studiumque TUUM nonnulla fatiget*  
*Curarum moles, infracta industria semper*  
*Stet TUA, perpetuo magnis intentis gerendis*  
*Rebus, quæ nobis quamplurima commoda gignant.*  
*Non loquimur, quanto tenearis juris amore*  
*Et Themidos sanctæ cultu, quæ pondere justo*  
*Judicii recti, rationis cuncta bilance*  
*Legibus æquata volvit, moderamine causas*  
*Iusto omnes tractans, Aros Cræsosque favore*  
*Æquali dignos censet, non munera curans,*  
*Quorum dirus amor mentem caligine turbat*  
*Ferali, nec recti unquam sinit esse tenacem.*  
*Hæc etenim superant omnes, VIR MAXIME, nostri*  
*Eloqui vires, memorent encomia famæ,*  
*Virtutesque TUAS, quæis major copia fandi;*  
*Nos tantum votis nunc indulgere iurabit:*

*Vive*

*Vive diu felix ac sospes, MAGNE PATRONE,  
Protegat optata TEMET clementia sortis  
Nunquam non, absint tristes a corpore morbi,  
Et genus omne mali securo a limine tecti,  
Dispellat tempestates, sævasque procellas  
Bellorum omnipotens, jubeatque recurrere sæpe  
Hancce diem, magis at læto TIBI fidere quam  
nunc;*

*Ut post tot turbas & tot discrimina Martis  
Infesti, rursus recreet nos optima rerum,  
Quas homini novisse datum est, pax una trium-  
phis*

*Innumeris potior, tranquillam & vivere vitam  
Quisque queat, dulces, quos præbent otia grata,  
Uberiore sinu pacis decerpere fructus.*

